

# 佛說梵網經菩薩心地品合注 科判

姚秦三藏法師鳩摩羅什 譯 明菩薩沙彌古吳智旭 文句 明菩薩比丘溫陵道昉 參訂

釋道淨 整理 20240729 2 稿 微信 qq 973451196 禁止商用篡改 法律責任必究

表 0-1: (2 表) 總科判 【捲上】【卷一】【卷二】 【卷下】【卷三】【卷四】【卷五】

科判							
乙初放光發起三（表 a1）（表 1-1）【捲上】【卷一】							
甲入文三	丙初舍那說心地法三	丁初問答標名二（表 a1）（表 1-1）					
		丁二正說義趣二	戊初菩薩問義（表 a1）（表 1-2）				
			戊二舍那詳答四	己初明十發趣（表 a1）（表 1-2）			
				己二明十長養三（表 a1）（表 1-3）			
				己三明十金剛心三 【卷二】（表 a2）（表 2-1）			
				己四明十地二（表 a2）		庚初總徵（表 2-2）	
				庚二別釋十（表 2-2～5）			
		丁三付囑弘傳二（表 a2）（表 2-5）					
	乙次正示法門二	丙次釋迦宣菩薩戒三	丁初敘說戒原由二【卷下】【卷三】（表 b1）（表 3）				
			戊初十重三	己二別解十	己初總標（表 b1）（表 3）		
					庚第一殺戒（表 b1）（表 3）		
					庚第二盜戒（表 b1）（表 3）		
					庚第三淫戒【卷四】（表 b2）（表 4）		
					庚第四妄語戒（表 b2）（表 4）		
					庚第五酤酒戒（表 b2）（表 4）		
					庚第六說四眾過戒（表 b2）（表 4）		
					庚第七自贊毀他戒（表 b2）（表 4）		
					庚第八慳惜加毀戒（表 b2）（表 4）		
					庚第九瞋心不受悔戒（表 b2）（表 4）		
			庚第十謗三寶戒（表 b2）（表 4）				
			己三總結（表 b2）（表 4）				
			戊二明四十八輕戒三	己二別釋四十八	己初總標【卷五】（表 b2）（表 5-1）		
					庚第一不敬師友戒（表 b2）（表 5-1）		
					庚第二飲酒戒（表 b2）（表 5-1）		
					庚第三食肉戒（表 b2）（表 5-1）		
					庚第四食五辛戒（表 b2）（表 5-1）		
					庚第五不教悔罪戒（表 b2）（表 5-1）		
庚第六不供給請法戒（表 b2）（表 5-1）							
庚第七不往聽法戒（表 b2）（表 5-1）							
庚第八心背大乘戒（表 b2）（表 5-1）							
庚第九不看病戒（表 b2）（表 5-1）							
庚第十畜殺具戒（表 b2）（表 5-1）							
庚第十一國使戒（表 b2）（表 5-2）							
庚第十二販賣戒（表 b2）（表 5-2）							
庚第十三謗毀戒（表 b2）（表 5-2）							
庚第十四放火焚燒戒（表 b2）（表 5-2）							
庚第十五僻教戒（表 b2）（表 5-2）							
庚第十六為利倒說戒（表 b2）（表 5-2）							
庚第十七恃勢乞求戒（表 b2）（表 5-2）							
庚第十八無解作師戒（表 b2）（表 5-2）							
庚第十九兩舌戒（表 b2）（表 5-2）							
庚第二十不行放救戒（表 b2）（表 5-2）							

表 0-2: (2 表) 总科判 【卷下】【卷六】【卷七】

甲 入 文 三	乙 次 正 示 法 門 二	丙 次 釋 迦 宣 菩 薩 戒 三	丁 次 列 重 輕 戒 二	戊 二 明 四 十 八 輕 戒 三	己 二 別 釋 四 十 八	庚第二十一瞋打報讎戒【卷六】（表 b2）（表 6-1）			
						庚第二十二憍慢不請法戒（表 b2）（表 6-1）			
						庚第二十三憍慢僻說戒（表 b2）（表 6-1）			
						庚第二十四不習學佛戒（表 b2）（表 6-1）			
						庚第二十五不善知眾戒（表 b2）（表 6-1）			
						庚第二十六獨受利養戒（表 b2）（表 6-1）			
						庚第二十七受別請戒（表 b2）（表 6-1）			
						庚第二十八別請僧戒（表 b2）（表 6-1）			
						庚第二十九邪命戒（表 b2）（表 6-1）			
						庚第三十經理白衣戒（表 b2）（表 6-1）			
						庚第三十一不行救贖戒（表 b2）（表 6-2）			
						庚第三十二損害眾生戒（表 b2）（表 6-2）			
						庚第三十三邪業覺觀戒（表 b2）（表 6-2）			
						庚第三十四暫離菩提心戒（表 b2）（表 6-2）			
						庚第三十五不發願戒（表 b2）（表 6-2）			
						庚第三十六不發誓戒（表 b2）（表 6-2）			
						庚第三十七冒難遊行戒（表 b2）（表 6-2）			
						庚第三十八乖尊卑次第戒【卷七】（表 b3）（表 7-1）			
						庚第三十九不修福慧戒（表 b3）（表 7-1）			
						庚第四十揀擇受戒戒（表 b3）（表 7-1）			
						庚第四十一為利作師戒（表 b3）（表 7-1）			
						庚第四十二為惡人說戒戒（表 b3）（表 7-2）			
						庚第四十三故起犯戒心戒（表 b3）（表 7-2）			
						庚第四十四不供養經典戒（表 b3）（表 7-2）			
						庚第四十五不化眾生戒（表 b3）（表 7-2）			
						庚第四十六說法不如法戒（表 b3）（表 7-2）			
						庚第四十七非法制限戒（表 b3）（表 7-2）			
						庚第四十八破法戒（表 b3）（表 7-2）			
						己三總結（表 b3）（表 7-2）			
						丁三勸大眾奉行五（表 b3）（表 7-3）		戊初舉所誦法	
								戊二囑流通人	
								戊三明流通益	
								戊四重勸奉行	
								戊五時眾歡喜	
	乙三流通益世分二（表 b3）（表 7-3）		丙初結示四		丁初徧結說心地品				
					丁二略舉總十處說				
					丁三明所說之法				
					丁四明大眾奉行				
			丙二偈贊三		丁初贊持法益				
					丁二序學法事二	戊初觀察法體			
						戊二護持戒相			
						戊三發度生願			

表 a1: (2 表) 科判【捲上】【卷一】

科判															
乙初放光發起三（表 1-1）				丙初總標法會時處二				丁初明時處主伴							
								丁二指所說法門							
				丙二釋迦放光警眾											
				丙三菩薩放光集問											
甲入文三 【卷上】 【卷一】	丙初舍那說心地法三	丁初問答 標名二 （表 1-1）	戊初釋迦騰問二					己初攝眾見本							
								己二為眾請法							
			戊二舍那垂答二	己初以定示答											
				己次誠聽言答二	庚初誠修三慧										
					庚次委答所問二	辛初總答因果本跡四				壬初明因					
										壬二明果					
										壬三從本垂跡					
								壬四攝跡歸本							
				辛次廣示心地名相二			壬初正列四十法門								
							壬二結示得入果相二		癸初以自身證						
						癸二轉授眾生									
		戊初菩薩問義（表 1-2）													
		戊二舍那詳答四	己初明十發趣（表 1-2）					庚初總徵							
								庚二別釋十				辛初舍心			
												辛二戒心			
												辛三忍心			
												辛四進心			
												辛五定心			
												辛六慧心			
												辛七願心			
辛八護心															
辛九喜心															
辛十頂心															
					庚三結指										
己二明十長養三（表 1-3）						庚初總徵									
						庚二別釋十				辛初慈心					
										辛二悲心					
										辛三喜心					
										辛四舍心					
										辛五施心					
										辛六好語心					
										辛七益心					
										辛八同心					
										辛九定心					
辛十慧心															
					庚三結指										

表 a2: (2 表) 科判【捲上】【卷二】

甲 入 文 三	乙 次 正 法 門 二	丙 初 舍 那 說 心 地 法 三	丁 二 正 說 義 趣 二	戊 二 舍 那 詳 答 四	己 三 明 十 金 剛 心 三  【卷二】 (表 2-1)	庚初總徵		
						庚二別釋十	辛初信心	
							辛二念心	
							辛三迴向心	
							辛四達心	
							辛五直心	
							辛六不退心	
							辛七大乘心	
							辛八無相心	
							辛九慧心	
							辛十不壞心	
						庚三結指		
					己 四 明 十 地 二	庚初總徵（表 2-2）		
						庚二別釋十	辛初平等地（表 2-2）	
							辛二善慧地（表 2-2）	
							辛三光明地（表 2-2）	
							辛四爾焰地（表 2-3）	
							辛五慧照地（表 2-3）	
							辛六華光地（表 2-3）	
							辛七滿足地（表 2-4）	
							辛八佛吼地（表 2-4）	
							辛九華嚴地（表 2-4）	
							辛十入佛界地（表 2-5）	
			丁 三 付 囑 弘 傳 二 (表 2-5)	戊初舍那付囑二		己初結示付囑		
						己二放光付囑		
				戊 二 釋 迦 弘 傳 三	己初受法將辭		庚初且明一界佛	
					己二旋歸本界			
					己三遵敕利生二		庚二例結餘佛界	

表 b1: (3 表) 科判【卷下】【卷三】

甲 入 文 三	乙 次 正 示 法 門 二	丙次釋迦宣菩薩戒三  【卷下】【卷三】 (表 3)	丁初敘 說戒原 由二	戊初覆敘垂跡傳 法二	己初長行二	庚初正述跡佛弘法	
						庚二方明以戒攝生	
						己次偈頌三	庚初頌舍那始授
					庚二頌釋迦轉授		
					庚三勸信受奉持		
					戊二正明樹下 勸發二	己初經家敘事三	庚初佛欲結戒
				庚二放光表瑞			
				庚三大眾願聞			
				己二釋迦自說三		庚初舉自誦勸人	
						庚二明放光因緣	
						庚三勸大眾習學	
				丁次列重輕戒法二	戊初十重三	己初總標	
己二別解十	庚第一殺戒						
	庚第二盜戒						

表 b2: (3 表) 科判【卷下】【卷四～六】

甲 入 文 三	乙 次 正 示 法 門 二	丙 次 釋 迦 宣 菩 薩 戒 三	丁 次 重 戒 二 輕 法	戊 初 十 重 三	己 二 別 解 十 （ 表 4 ）	庚第三淫戒【卷四】	
						庚第四妄語戒	
						庚第五酤酒戒	
						庚第六說四眾過戒	
						庚第七自贊毀他戒	
						庚第八慳惜加毀戒	
						庚第九瞋心不受悔戒	
						庚第十謗三寶戒	
						己三總結（表4）	
						戊 二 明 四 十 八 輕 戒 三  【 卷 五 】	己初總標（表5-1）
				己 二 別 釋 四 十 八	庚第一不敬師友戒（表5-1）		
					庚第二飲酒戒（表5-1）		
					庚第三食肉戒（表5-1）		
					庚第四食五辛戒（表5-1）		
					庚第五不教悔罪戒（表5-1）		
					庚第六不供給請法戒（表5-1）		
					庚第七不往聽法戒（表5-1）		
					庚第八心背大乘戒（表5-1）		
					庚第九不看病戒（表5-1）		
					庚第十畜殺具戒（表5-1）		
					庚第十一國使戒（表5-2）		
					庚第十二販賣戒（表5-2）		
					庚第十三謗毀戒（表5-2）		
					庚第十四放火焚燒戒（表5-2）		
					庚第十五僻教戒（表5-2）		
					庚第十六為利倒說戒（表5-2）		
					庚第十七恃勢乞求戒（表5-2）		
					庚第十八無解作師戒（表5-2）		
					庚第十九兩舌戒（表5-2）		
					庚第二十不行放救戒（表5-2）		
					庚第二十一瞋打報讎戒【卷六】（表6-1）		
					庚第二十二憍慢不請法戒（表6-1）		
					庚第二十三憍慢僻說戒（表6-1）		
					庚第二十四不習學佛戒（表6-1）		
					庚第二十五不善知眾戒（表6-1）		
					庚第二十六獨受利養戒（表6-1）		
					庚第二十七受別請戒（表6-1）		
					庚第二十八別請僧戒（表6-1）		
					庚第二十九邪命戒（表6-1）		
					庚第三十經理白衣戒（表6-1）		
					庚第三十一不行救贖戒（表6-2）		
					庚第三十二損害眾生成（表6-2）		
					庚第三十三邪業覺觀戒（表6-2）		
					庚第三十四暫離菩提心戒（表6-2）		
					庚第三十五不發願戒（表6-2）		
					庚第三十六不發誓戒（表6-2）		
				庚第三十七冒難遊行戒（表6-2）			

表 b3: (3 表) 科判【卷下】【卷四～六】

甲 入 文 三	乙 次 正 示 法 門 二	丙次 釋迦 宣菩 薩戒 三	丁次 列重 輕戒 法二	戊二 明四 十八 輕戒 三	己二別釋四十八	庚第三十八乖尊卑次第戒【卷七】（表 7-1）		
						庚第三十九不修福慧戒（表 7-1）		
						庚第四十揀擇受戒戒（表 7-1）		
						庚第四十一為利作師戒（表 7-1）		
						庚第四十二為惡人說戒戒（表 7-2）		
						庚第四十三故起犯戒心戒（表 7-2）		
						庚第四十四不供養經典戒（表 7-2）		
						庚第四十五不化眾生戒（表 7-2）		
						庚第四十六說法不如法戒（表 7-2）		
						庚第四十七非法制限戒（表 7-2）		
			庚第四十八破法戒（表 7-2）					
			己三總結（表 7-2）					
			丁三勸大眾奉行五（表 7-3）	戊初舉所誦法				
				戊二囑流通人				
				戊三明流通益				
				戊四重勸奉行				
				戊五時眾歡喜				
	乙三流通益世分二（表 7-3）	丙初結示四	丁初徧結說心地品					
			丁二略舉總十處說					
			丁三明所說之法					
			丁四明大眾奉行					
		丙二偈贊三	丁初贊持法益					
			丁二序學法事二	戊初觀察法體				
				戊二護持戒相				
				戊三發度生願				

表 1-1：(3 表)【捲上】【卷一】

科判										正文													
乙初放光發起三	丙初總標法會時處二	丁初明時處主伴				爾時，釋迦牟尼佛在第四禪地中摩酰首羅天王宮，與無量大梵天王，不可說不可說菩薩眾。																	
		丁二指所說法門				說蓮華臺藏世界盧舍那佛所說心地法門品。																	
		丙二釋迦放光警眾				是時，釋迦身放慧光，所照從此天王宮，乃至蓮華臺藏世界。其中一切世界，一切眾生，各各相視，歡喜快樂，而未能知此光光何因何緣，皆生疑念，無量天人亦生疑念。																	
		丙三菩薩放光集問				爾時，眾中玄通華光主菩薩，從大莊嚴華光明三昧起，以佛神力，放金剛白雲色光，光照一切世界。 是中一切菩薩，皆來集會，與共同心異口，問此光光為何等相？																	
甲入文三 【卷上】 【卷一】	乙次正示法門二	丙初舍那說心地法三	丁初問答標名二	戊二舍那垂答二	己次誠聽言答二	庚次委答所問二	辛次廣示心地名相二	戊初釋迦騰問二	己初攝眾見本	是時，釋迦即擎接此世界大眾，還至蓮華臺藏世界百萬億紫金剛光明宮中，見盧舍那佛坐百萬億蓮華赫赫光明座上。 時釋迦及諸大眾，一時禮敬盧舍那佛足下已。													
								己二為眾請法	釋迦佛言：此世界中，地及虛空一切眾生，為何因緣得成菩薩十地道？當成佛果為何等相？ 如《佛性本源品》中，廣問一切菩薩種子。														
								己初以定示答				爾時，盧舍那佛即大歡喜，現虛空光體性本源成佛常住法身三昧，示諸大眾：											
								庚初誠修三慧				是諸佛子，諦聽！善思修行。											
								辛初總答因果本跡四	壬初明因		我已百阿僧祇劫修行心地，以之為因。												
									壬二明果		初舍凡夫，成等正覺，號為盧舍那，住蓮華臺藏世界海。												
									壬三從本垂跡		其臺周徧有千葉，一葉一世界，為千世界。 我化為千釋迦，據千世界。後就一葉世界，復有百億須彌山、百億日月、百億四天下、百億南閼浮提，百億菩薩釋迦坐百億菩提樹下，各說汝所問菩提薩埵心地。 其餘九百九十九釋迦各各現千百億釋迦亦復如是。												
									壬四攝跡歸本		千葉上佛是吾化身，千百億釋迦是千釋迦化身。吾以為本源，名為盧舍那佛。												
								壬初正列四十法門		爾時蓮華臺藏世界盧舍那佛，廣答告千釋迦千百億釋迦所問心地法品： 諸佛當知！堅信忍中，十發趣心向果：一、舍心，二、戒心，三、忍心，四、進心，五、定心，六、慧心，七、願心，八、護心，九、喜心，十、頂心。 諸佛當知！從是十發趣入堅法忍中，十長養心向果：一、慈心，二、悲心，三、喜心，四、舍心，五、施心，六、好語心，七、益心，八、同心，九、定心，十、慧心。 諸佛當知！從是十長養心入堅修忍中，十金剛心向果：一、信心，二、念心，三、迴向心，四、達心，五、直心，六、不退心，七、大乘心，八、無相心，九、慧心，十、不壞心。 諸佛當知！從是十金剛心入堅聖忍中，十地向果：一、體性平等地，二、體性善慧地，三、體性光明地，四、體性爾焰地，五、體性慧照地，六、體性華光地，七、體性滿足地，八、體性佛吼地，九、體性華嚴地，十、體性入佛界地。													
								壬二結示得入果相二		癸初以自身證				是四十法門品，我先為菩薩時修，入佛果之根源。									
										癸二轉授眾生				如是一切眾生，入發趣、長養、金剛、十地，證當成果，無為無相，大滿常住，十力十八不共行、法身、智身滿足。									

表 1-2: (3 表)【捲上】【卷一】

甲入文三 乙次正示法門二 丙初舍那說心地法三 丁二正說義趣二	戊初菩薩問義	爾時，蓮華臺藏世界盧舍那佛赫赫大光明座上，千華上佛，千百億佛，一切世界佛。是座中有一菩薩，名華光王大智明菩薩，從坐而立，白盧舍那佛言：世尊！佛上略開十發趣、十長養、十金剛、十地名相，其一一義中，未可解了。唯願說之，唯願說之！妙極金剛寶藏一切智門，《如來百觀品》中已明。	
	戊二舍那詳答四 己初明十發趣	庚初總徵	爾時盧舍那佛言：千佛諦聽！汝先言云何義者，發趣中，
		辛初舍心	若佛子！一切舍。國土、城邑、田宅、金、銀、明珠、男女、己身，有為諸物一切舍。無為無相，我人知見假會合成，主者、造作、我見、十二因緣，無合無散無受者。 十二入、十八界、五陰、一切一合相，無我我所相，假成諸法。若內一切法、外一切法，不捨不受。 菩薩爾時名如假會觀現前，故舍心入空三昧。
		辛二戒心	若佛子！戒。非非戒，無受者；十善戒，無師說法；欺盜乃至邪見，無集者。慈、良、清、直、正、實、正見、舍、喜等，是十戒體性。 制止八倒，一切性離，一道清淨。
		辛三忍心	若佛子！忍，有無相慧體性。一切空，空忍；一切處忍，名無生行忍；一切處得，名如苦忍。 無量行一一名忍。無受、無打、無刀杖，瞋心皆如如。 無一一諦，一相，無無相、有無有相，非非心相、緣無緣相。 立住、動止、我人、縛解，一切法如，忍相不可得。
		辛四進心	若佛子！若四威儀一切時行，伏空、假會、法性，登無生山，而見一切有無，如有如無。天地青黃赤白一切入，乃至三寶智性，一切信，進道，空、無生、無作，無慧。 起空入世諦，法亦無二。相續空心，通達進分善根。
		辛五定心	若佛子！寂滅無相。無相無量行，無量心三昧，凡夫、聖人無不入三昧體性相應。一切以定力故，我、人、作者、受者一切縛見性，是障因緣，散風動心，不寂而滅，空空八倒。無緣假靜慧，觀一切假會，念念寂滅。一切三界果罪性，皆由定滅，而生一切善。
		辛六慧心	若佛子！空慧，非無緣，知體名心。分別一切法假名主者，與道通同。取果行因，入聖舍凡，滅罪起福，縛解盡，是體性功用。 一切見常樂我淨煩惱，慧性不明，故以慧為首，修不可說觀慧，入中道一諦。其無明障慧，非相、非來、非緣、非罪、非八倒、無生滅。 慧光明焰為照，樂虛方便，轉變神通，以智體性所為慧用故。
		辛七願心	若佛子！願願，大求，一切求，以果行因故願心連，願心連相續百劫，得佛滅罪。求求至心，無生空一，願觀觀入定照。 無量見縛，以求心故解脫。無量妙行，以求心成菩提。 無量功德，以求為本。初發求心，中間修道，行滿願故，佛果便成。 觀一諦中道，非陰、非界、非沒生見見、非解慧，是願體性，一切行本源。
		辛八護心	若佛子！護三寶，護一切行功德，使外道八倒惡邪見不燒正信，滅我縛見縛，無生照達二諦，觀心現前。以護根本無相護，護空、無作、無相。以心慧連慧連，入無生空道，智道皆明光。明光護觀，入空假分分幻化，幻化所起如無。如無法體，集散不可護，觀法亦爾。
		辛九喜心	若佛子！見他人得樂常生喜，悅及一切物。假空照寂，而不入有為，不無寂然大樂。無合有受，而化有法，而見雲假，法性平等一觀。心心行多聞，一切佛行功德，無相喜智心心生念，而靜照樂心，緣一切法。
		辛十頂心	若佛子！是人最上智，滅無我輪見疑身一切瞋等，如頂觀連。觀連如頂，法界中因果，如如一道，最勝上如頂，如人頂。非非身見、六十二見、五陰生滅、神我主人動轉屈伸、無受、無行，可捉縛者。是人爾時入內空值道，心心眾生，不見緣、不見非緣，住頂三昧，寂滅定發行趣道。 性實、我人常見、八倒生緣，不二法門，不受八難，幻化果畢竟不受。唯一眾生，去來坐立，修行滅罪，除十惡、生十善，入道正人正智正行。菩薩達觀現前，不受六道果，必不退佛種性中，生生入佛家，不離正信。
		庚三結指	上《十天光品》廣說。



表 1-3: (3 表)【捲上】【卷一】

甲入文三 乙次正示法門二 丙初舍那說心地法三 丁二正說義趣二	戊二舍那詳答四	己二明十長養三	庚二別釋十	庚初總徵	舍那佛言：千佛諦聽！汝先問長養十心者， 若佛子！常生慈心，生樂因已，於無我智中，樂相應觀入法。受想行識色等大法中，無生無住無滅，如幻如化，如如無二故。一切修行成法輪，化被一切，能生正信，不由魔教，亦能使一切眾生得慈樂果。 非實、非善惡果，解空體性三昧。
				辛初慈心	若佛子！以悲空空無相，悲緣行道，自滅一切苦，於一切眾生無量苦中生智。 不殺生緣、不殺法緣、不著我緣，故常行不殺、不盜、不淫。而一切眾生不惱發菩提心者；於空見一切法如實相，種性行中生道智心，於六親六怨，親怨三品中，與上樂智，上怨緣中九品得樂果。空現時，自身他一切眾生，平等一樂起大悲。
				辛二悲心	若佛子！悅喜。 無生心時，種性體相道智空，空喜。 心不著我所，出沒三世，因果無集，一切有入空觀行成，等喜。一切眾生起空入道，舍惡知識，求善知識，示我好道，使諸眾生入佛法家，法中常起歡喜。 入佛位中，復是諸眾生入正信，舍邪見，背六道苦，故喜。
				辛三喜心	若佛子！常生舍心，無造、無相、空法中，如虛空，於善惡、有見無見、罪福二中，平等一照，非人非我所心，而自他體性不可得，為大舍。 及自身肉手足、男女、國城，如幻化、水流、燈焰，一切舍。而無生心常修其舍。
				辛四舍心	若佛子！能以施心被一切眾生。身施、口施、意施，財施、法施，教導一切眾生。 內身、外身、國城、男女、田宅，皆如如相，乃至無念財物、受者、施者。 亦內亦外，無合無散，無心行化，達理達施，一切相現在行。
				辛五施心	若佛子！入體性愛語三昧，第一義諦法語義、一切實語言，皆順一語，調和一切眾生，心無瞋無諍。 一切法空智無緣，常生愛心，行順佛意，亦順一切他人，以聖法語，教諸眾生，常行如心，發起善根。
				辛六好語心	若佛子！利益心時，以實智體性廣行智道，集一切明焰法門、集觀行七財，前人得利益，故受身命而入利益三昧。 現一切身、一切口、一切意，而震動大世界，一切所為所作，他人入法種、空種、道種中，得益得樂。 現形六道，無量苦惱之事，不以為患，但益人為利。
				辛七益心	若佛子！以道性智同空，無生法中，以無我智，同生無二。空同源境，諸法如相，常生、常住、常滅。 世法相續，流轉無量，而能現無量形身色心等業，入諸六道，一切事同。 空同無生，我同無物，而分身散形，故入同法三昧。
				辛八同心	若佛子！復從定心觀慧證空，心心靜緣，於我所法識界、色界中而不動轉，逆順出沒故，常入百三昧，十禪支。 以一念智作是見，一切我人若內若外眾生種子，皆無合散，集成起作，而不可得。
				辛九定心	若佛子！作慧見心，觀諸邪見、結患等縛，無決定體性，順忍空同故，非陰、非界、非入，非眾生、非一我，非因果，非三世法。慧性起光，光一焰明明，見虛無受。 其慧方便生長養心，是心入起空空道，發無生心。
				辛十慧心	上《千海眼王品》，已說心百法明門。
				庚三結指	

表 2-1：(5 表)【捲上】【卷二】

甲入文三 乙次正示法門二 丙初舍那說心地法三 丁二正說義趣二	戊二舍那詳答四	己三明十金剛心三【卷二】	庚二別釋十	庚初總徵	盧舍那佛言：千佛諦聽！汝先言金剛種子有十心。
				辛初信心	若佛子！信者，一切行以信為首，眾德根本，不起外道邪見心，諸見名著，結有、造業必不受，入空無為法中，三相無，無無。 生無生，無住住，無滅滅。無有一切法空，世諦第一義諦智，盡滅異空、色空細心、心空細心。 心心空故信，信寂滅，無體性、和合，亦無依然、主者我人名。 用三界假我，我無得集相，故名無相信。
				辛二念心	若佛子！作念六念，常覺乃至常施，第一義諦。 空、無著無解、生住滅相不動不到去來，而於諸業受者一合相。 迴向入法界智，慧慧相乘，乘乘寂滅，焰焰無常，光光無無； 生生不起，轉易空道，變前轉後，變轉化化，化轉轉變；同時同住，焰焰一相，生滅一時，已變、未變、變變，化亦得一，受亦如是。
				辛三迴向心	若佛子！深心者，第一義空，於實法空智，照有實諦。 業道相續因緣中道，名為實諦。假名諸法我人主者，名為世諦。 於此二有諦，深深入空而無去來，幻化受果而無受，故深深心解脫。
				辛四達心	若佛子！達照者，忍順一切實性，性性無縛無解，無礙，法達、義達、辭達、教化達。 三世因果、眾生根行如如，不合不散。 無實，用無用；無名，用用用。一切空，空空。 照達空，名為通達一切法空。空空如如，相不可得。
				辛五直心	若佛子！直者，直照取緣神我入無生智。 無明神我空，空中空；空空理心，在有在無而不壞道種子。 無漏中道一觀，而教化一切十方眾生，轉一切眾生皆薩婆若。 空直，直性、直行，於空三界生者結縛而不受。
				辛六不退心	若佛子！不退心者，不入一切凡夫地，不起新長養諸見，亦復不起集因相似我人，入三界業亦行空，而不住退。 解脫於第一中道一合行，故不行退。本際無二故，而不念退。 空生觀智如如，相續乘乘，心入不二。 常空生心，一道一淨，為不退一道一照。
				辛七大乘心	若佛子！獨大乘心者，解解一空故，一切行心名一乘，乘一空智。 智乘、行乘，乘智心，心任載任用。 任載，任一切眾生度三界河、結縛河、生滅河，行者坐乘。 任用，載用智乘，趣入佛海。 故一切眾生未得空智任用，不名為大乘，但名乘，得度苦海。
				辛八無相心	若佛子！無相心者，妄想解脫，照般若波羅蜜無二； 一保證、業、三世法，如如一諦。 而行於無生空，自知得成佛。 一切佛是我等師，一切賢聖是我同學，皆同無生空故，名無相心。
				辛九慧心	若佛子！如如慧者，無量法界，無集無受生，生生煩惱而不縛； 一切法門，一切賢所行道，一切聖所觀法，所有亦如是。 一切佛教化方便法，我皆集在心中； 外道一切論，邪定功用幻化，魔說佛說，皆分別入二諦處。 非一非二，非有陰界入，是慧光明，光明照性入一切法。
				辛十不壞心	若佛子！不壞心者，入聖地智，近解脫位，得道正門，明菩提心。 伏忍順空，八魔不壞，眾聖摩頂，諸佛勸發，入摩頂三昧，放身光，光照十方國土，入佛威神，出沒自在，動大千界，與平等地心無二無別，而非中觀知道。 以三昧力故，光中見佛無量國土現為說法，爾時即得頂三昧，證虛空平等地總持法門，聖行滿足。 心心行空，空空慧中道無相照故，一切相滅，得金剛三昧法門，入一切行門，入虛空平等地。
				庚三結指	如《佛華經》中廣說。

表 2-2：(5 表)【捲上】【卷二】

甲入文三 乙次正示法門二 丙初舍那說心地法三 丁二正說義趣二	戊二舍那詳答四	己四明十地二	庚初總徵		盧舍那佛言：千佛諦聽！汝先問地者有何義。
			辛初平等地	<p>若佛子！菩提薩埵入平等慧體性地，真實法化，一切行華光滿足。四天果，乘用任化無方，理化神通。</p> <p>十力、十號、十八不共法，住佛淨土，無量大願、辯才、無畏，一切論、一切行，我皆得入。生出佛家，坐佛性地，一切障礙凡夫因果，畢竟不受，大樂歡喜。從一佛土入無量佛土，從一劫入無量劫，不可說法為可說法，反照見一切法，逆順見一切法，常入二諦，而在第一義中。</p> <p>以一智知十地次第，一一事示眾生，而常心心中道；以一智知一切佛土殊品，及佛所說法，而身心不變；以一智知十二因緣、十惡種性，而常住善道；以一切智見有無二相；以一智知入十禪支行、三十七道，而現一切色身六道；以一智知十方色色分分，了起入受色報，而心心無縛，光光照一切，是故無生信忍空慧常現在前。</p> <p>從一地、二地乃至佛界，其中間一切法門，一時而行。</p> <p>故略出平等地功德海藏行願，如海一滄毛頭許事。</p>	
				<p>若佛子！菩提薩埵善慧體性地，清淨明達一切善根，所謂慈悲喜捨慧，一切功德本。從觀入大空慧方便道智中，見諸眾生，無非苦諦，皆有識心，三惡道、刀杖、一切苦惱緣中生識，名為苦諦。</p> <p>三苦相者，如者，如身初覺，從刀杖、身色陰二緣中生覺，為行苦緣，次意地覺，緣身覺所緣，得刀杖及身瘡腫等法，故覺苦苦緣，重故苦苦。次受、行覺二心，緣向身色陰壞瘡中生苦覺故，名為壞苦緣。</p> <p>是以三覺次第生三心故，為苦苦苦。</p> <p>一切有心眾生，見是三苦，起無量苦惱因緣。故我於是中，入教化道三昧，現一切色身於六道中，十種辯才說諸法門，謂苦識、苦緣。</p> <p>刀杖緣具，苦識行身，瘡腫發壞，內外觸中，或具不具，具二緣中生識，識作識受，觸識名為苦識。</p> <p>行二緣故，心心緣色，心觸觸惱，受煩毒時為苦苦。心緣識初在根覺緣，名為苦覺。心作心受，觸識覺觸，未受煩毒時，是名行苦。</p> <p>逼迫生覺，如斲石火，於身心念念生滅，身散壞轉變化，識入壞緣，緣集散，心苦心惱，受念後緣染著，心心不捨，是為壞苦。</p> <p>三界一切苦諦。復觀無明集，無量心作一切業，相續相連集因，集因名為集諦。正見解脫空空，智道心心，名以智道道諦。</p> <p>盡有果報，盡有因，清淨一照體性妙智，寂滅一諦。</p> <p>慧品具足名根，一切慧性起空入觀，是初善根。第二觀，舍一切貪著，行一切平等空舍，無緣而觀諸法空際一相。我觀一切十方地土，皆吾昔身所用故土，四大海水是吾故水，一切劫火是吾昔身故所用火，一切風輪是吾故所用氣，我今入此地中，法身滿足，舍吾故身，畢竟不受四大分段不淨故身，是為舍品具足。第三次觀，於一切所化眾生，與人天樂、十地樂、離十惡畏樂、得妙華三昧樂，乃至佛樂，如是觀者，慈品具足。</p> <p>菩薩爾時住是地中，無痴、無貪、無瞋，入平等一諦智、一切行本，遊佛一切世界，現化無量法身，如《一切眾生天華品》說。</p>	
		庚二別釋十	辛二善慧地		
		辛三光明地		<p>若佛子！菩提薩埵光明體性地，以三昧解了智，知三世一切佛法門，十二法品名味句：重頌、記別、直語、偈、不請說、律戒、譬喻、佛界、昔事、方正、未曾有、談說。是法體、性、名、一切義別。</p> <p>是名味句中，說一切有為法分分受生。</p> <p>初入識胎，四大增長色心名六住，於根中起實覺未別苦樂名觸識，又覺苦樂識名三受，連連覺著受無窮，以欲我見戒取，善惡有，識初名生，識終名死，是十品現在苦因緣果。</p> <p>觀是行相中道，我久已離，故無自體性，入光明神通、總持辯才，心心行空，而十方佛土中現劫化轉化，百劫千劫國土中養神通，禮敬佛前，諮受法言，復現六道身，一音中說無量法品，而眾生各自分分得聞心所欲之法，苦空無常無我一諦之音，國土不同，身心別化。</p> <p>是妙華光明地中，略開一毛頭許，如《法品》、《解觀法門千三昧品》說。</p>	

表 2-3: (5 表)【捲上】【卷二】

甲入文三 乙次正示法門二 丙初舍那說心地法三 丁二正說義趣二	戊二舍那詳答四 己四明十地二 庚二別釋十	辛四爾焰地	<p>若佛子！菩提薩埵體性地中，爾真焰俗，不斷不常，即生即住即滅，一世、一時、一有，種異異現異故。</p> <p>因緣中道，非一非二、非善非惡、非凡非佛，故佛界凡界，一一是名為世諦。</p> <p>其智道觀無一無二，玄道定品，所謂說佛心行初覺定因，信覺、思覺、靜覺、上覺、念覺、慧覺、觀覺、猗覺、樂覺、舍覺。</p> <p>是品品方便道，心心入定果。</p> <p>是人住定中，焰焰見法行空。</p> <p>若起念，定入生心。</p> <p>定生愛順，道法化生，名法樂忍、住忍、證忍、寂滅忍，故諸佛於入光光華三昧中，現無量佛，以手摩頂，一音說法，百千起發，而不出定、住定、味樂定、著定、貪定，一劫千劫中住定。</p> <p>見佛蓮華坐說百法門，是人供養聽法，一劫住定。</p> <p>時諸佛光中摩頂，發起定品，出相、進相、去、向相故，不沒、不退、不墮、不住，頂三昧法上樂忍，永盡無餘，即入一切佛土中，修行無量功德品，行行皆光明，入善權方便，教化一切眾生，能使得見佛體性常樂我淨。</p> <p>是人生住是地中，行化法門漸漸深妙，空華觀智入體性中道，一切法門品滿足，猶如金剛，上《日月道品》已明斯義。</p>
		辛五慧照地	<p>若佛子！菩提薩埵慧照體性地法，有十種力生品，起一切功德行。</p> <p>以一慧方便，知善惡二業別行，處力品。</p> <p>善作惡作，業智力品。一切欲求，願六道生生果，欲力品。</p> <p>六道性分別不同，性力品。</p> <p>一切善惡根一一不同，根力品。邪定正定不定，是名定力品。</p> <p>一切因果，乘是因，乘是果，至果處，乘因道，是道力品。</p> <p>五眼知一切法，見一切受生故，天眼力品。</p> <p>百劫事一一知，宿世力品。</p> <p>於一切生煩惱滅，一切受無明滅，解脫力品。</p> <p>是十力品智，知自修因果，亦知一切眾生因果分別，而身心口別用，以淨國土為惡國土、以惡國土為妙樂土，能轉善作惡、轉惡作善，色為非色、非色為色，以男為女、以女為男，以六道為非六道、非六道為六道，乃至地水火風非地水火風。</p> <p>是人爾時以大方便力，從一切眾生而見不可思議，下地所不能知覺舉足下足事。</p> <p>是人大明智漸漸進，分分智光光無量無量，不可說不可說法門現在前行。</p>
		辛六華光地	<p>若佛子！菩提薩埵體性華光地，能於一切世界中，十神通明智品，以示一切眾生種種變化。</p> <p>以天眼明智，知三世國土中微塵等一切色，分分成六道眾生身，一一身微塵細色成大色，分分知。</p> <p>以天耳智，知十方三世六道眾生苦樂音聲、非非音非非聲、一切法聲。</p> <p>以天身智，知一切色、色非色、非男非女形，於一念中，徧十方三世國土劫量大小國土中微塵身。</p> <p>以天他心智，知三世眾生心中所行，十方六道中一切眾生心心所念苦樂善惡等事。</p> <p>以天人智，知十方三世國土中一切眾生宿世苦樂受命，一一知命續百劫。</p> <p>以天解脫智，知十方三世眾生解脫，斷除一切煩惱若多若少，從一地乃至十地滅滅皆盡。</p> <p>以天定心智，知十方三世國土中眾生心，定、不定、非定非不定，起定方法，有所攝受三昧，百三昧。</p> <p>以天覺智，知一切眾生已成佛、未成佛，乃至一切六道人心心，亦知十方佛心中所說法。</p> <p>以天念智，知百劫千劫大小劫中，一切眾生受命命久近。</p> <p>以天願智，知一切眾生，賢聖十地、三十心中，一一行願，若求苦樂，若法非法一切求，十願百千大願品具足。</p> <p>是人住地中，十神通明中，現無量身心口別用。</p> <p>說地功德，百千萬劫不可窮盡。</p> <p>而爾所釋迦略開神通明品，如《觀十二因緣品》中說。</p>

表 2-4：(5 表)【捲上】【卷二】

甲入文三		辛七滿足地	<p>若佛子！菩提薩埵滿足體性地，入是法中，十八聖人智品，下地所不共。所謂身無漏過，口無語罪，念無失心，離八法，一切法中舍，常在三昧，是入地六品具足。</p> <p>復從是智生六足智：三界結習畢竟不受故，欲具足；一切功德一切法門所求滿故，進心足；一切法事、一切劫事、一切眾生事，以一心中一時知故，念心足；是二諦相，六道眾生一切法故，智慧足；知十發趣人，乃至一切佛無結無習故，解脫足；見一切眾生，知他人自我弟子無漏無諸煩惱習故，以智知他身六通足。</p> <p>是人入六滿足明智中，便起智身，隨六道眾生心行，口辯說無量法門品，示一切眾生故，隨一切眾生心行，常入三昧，而十方大地動，虛空化華，故能令眾生心行。以大明具足，見過去一切劫中佛出世，亦是示一切眾生心。</p> <p>以無著智，見現在十方一切國土中一切佛一切眾生心心所行。</p> <p>以神通道智，見未來中一切劫一切佛出世。</p> <p>一切眾生從是佛受道聽法故，住是十八聖人中，心心三昧，觀三界微塵等色是我故身，一切眾生是我父母，而今入是地中，一切功德、一切神光、一切佛所行法，乃至八地、九地中一切法門品，我皆已入，故於一切佛國土中示現作佛、成道、轉法輪、示入滅度，轉化他方過去來今一切國土中。</p>
乙次正示法門二	戊二舍那詳答四	辛八佛吼地	<p>若佛子！菩提薩埵佛吼體性地，入法王位三昧，其智如佛。</p> <p>佛吼三昧故，十品大明空門常現在前，華光音入心三昧。</p> <p>其空慧者，謂內空慧門、外空慧門、有為空慧門、無為空慧門、性空慧門、無始空慧門、第一義空慧門、空空慧門、空空復空慧門、空空復空空慧門。</p> <p>如是十空門，下地各所不知。</p> <p>虛空平等地不可說不可說神通道智，以一念智，知一切法分分別異，而入無量佛國土中，一一佛前諮受法，轉法度與一切眾生，而以法藥施一切眾生，為大法師，為大導師，破壞四魔法身具足，化化入佛界，是諸佛數。</p> <p>是諸九地、十地數中長養法身，百千陀羅尼門、百千三昧門、百千金剛門、百千神通門、百千解脫門，如是百千虛空平等門中而大自在。</p> <p>一念一時行，劫說非劫、非劫說劫，非道說道、道說非道，非六道眾生說六道眾生、六道眾生說非六道眾生，非佛說佛、佛說非佛。</p> <p>而入出諸佛體性三昧中，反照、順照、逆照、前照、後照、因照、果照、空照、有照、第一中道義諦照。</p> <p>是智惟八地所證，下地所不及，不動不到、不出不入、不生不滅。</p> <p>是地法門品，無量無量不可說不可說，今以略開地中百千分一毛頭許事，《羅漢品》中已明。</p>
丙初舍那說心地法三	己四明十地二	辛九華嚴地	<p>若佛子！菩提薩埵佛華嚴體性地，以佛威儀，如來三昧自在王王定，出入無時，於十方三千世界，百億日月、百億四天下，一時成佛、轉法輪，乃至滅度，一切佛事以一心中一時示現。</p> <p>一切眾生一切色身，八十種好、三十二相，自在樂，虛空同。無量大悲，光明相好莊嚴，非天、非人、非六道，一切法外，而常行六道。現無量身、無量口、無量意，說無量法門，而能轉魔界入佛界、佛界入魔界，復轉一切見入佛見、佛見入一切見，佛性入眾生性、眾生性入佛性，其地光，光光照、慧慧照，明焰明焰。</p> <p>無畏、無量、十力、十八不共法、解脫涅槃，無為一道清淨。</p> <p>而以一切眾生作父母兄弟，為其說法，盡一切劫得道果。</p> <p>又現一切國土，為一切眾生相視如父如母，天魔外道相視如父如母。</p> <p>住是地中，從生死際起至金剛際，以一念心中現如是事，而能轉入無量眾生界。如是無量，略說如海一滂。</p>
丁二正說義趣二	庚二別釋十		

表 2-5：(5 表)【捲上】【卷二】

甲入文三	乙次正示法門二	丙初舍那說心地法三	丁二正說義趣二	戊二舍那詳答四 己四明十地二 庚二別釋十	辛十入佛界地	<p>若佛子！菩提薩埵入佛界體性地，其大慧空空復空空復空，如虛空性平等智，有如來性十功德品具足。</p> <p>空同一相，體性無為，神虛體一，法同法性，故名如來。</p> <p>應順四諦二諦，盡生死輪際，法養法身無二，是名應供。</p> <p>徧覆一切世界中一切事，正智、聖解脫智，知一切法有無一切眾生根故，是正徧知。</p> <p>明明修行，佛果時足故，是明行足。</p> <p>善逝三世佛法，法同先佛法佛，去時善善、來時善善，是名善善。</p> <p>是人行是上德，入世間中教化眾生，使眾生解脫一保證縛故，名世間解脫。</p> <p>是人一切法上，入佛威神，儀形如佛，大士行處，為世間解脫。</p> <p>調順一切眾生，名為丈夫。</p> <p>於天人中教化，一切眾生諮受法言故，是天人師。</p> <p>妙本無二，佛性玄覺常常大滿，一切眾生禮拜故、尊敬故，是佛世尊。</p> <p>一切世人諮受奉教，故是佛地。</p> <p>是地中一切聖人之所入處，故名佛界地。</p> <p>爾時坐寶蓮華上，一切與授記歡喜，法身手摩其頂，同見同學菩薩，異口同音，讚歎無二。</p> <p>又有百千億世界中一切佛、一切菩薩、一切雲集，請轉不可說法輪、虛空藏化導法門。</p> <p>是地有不可說奇妙法門品，奇妙三明、三昧門、陀羅尼門，非下地凡夫心識所知，惟佛佛無量身口心意可盡其源。</p> <p>如《光音天品》中，說十無畏與佛道同。</p>
						<p>爾時，盧舍那佛為此大眾，略開百千恆河沙不可說法門中心地，如毛頭許。</p> <p>是過去一切佛已說、未來佛當說、現在佛今說，三世菩薩已學、當學、今學。</p> <p>我已百劫修行是心地，號吾為盧舍那。</p> <p>汝諸佛轉我所說，與一切眾生開心地道。</p>
						<p>爾時，蓮華臺藏世界赫赫天光師子座上盧舍那佛放光，光告千華上佛：持我心地法門品而去，復轉為千百億釋迦及一切眾生，次第說我上心地法門品。</p> <p>汝等受持讀誦，一心而行。</p>
						<p>爾時，千華上佛千百億釋迦，從蓮華臺藏世界赫赫師子座起，各各辭退，舉身放不可思議光，光皆化無量佛，一時以無量青黃赤白華，供養盧舍那佛，受持上說心地法門品竟。</p>
						<p>各各從此蓮華臺藏世界而沒。</p> <p>沒已，入體性虛空華光三昧，還本源世界閻浮提菩提樹下，從體性虛空華光三昧出。</p>
						<p>出已，方坐金剛千光王座，及妙光堂，說十世界海。</p> <p>復從座起，至帝釋宮說十住。</p> <p>復從座起，至焰天中說十有。</p> <p>復從座起，至第四天說十回向。</p> <p>復從座起，至化樂天說十禪定。</p> <p>復從座起，至他化天說十地。</p> <p>復至一禪中說十金剛。</p> <p>復至二禪中說十忍。</p> <p>復至三禪中說十願。</p> <p>復至四禪中摩酰首羅天王宮，說我本源蓮華臺藏世界盧舍那佛所說心地法門品。</p>
						<p>其餘千百億釋迦，亦復如是，無二無別，如《賢劫品》中說。</p>

表 3: (1 表)【卷下】【卷三】

甲入文三 乙次正示法門二 丙次釋迦宣菩薩戒三 【卷下】【卷三】	丁初敘說戒原由二	戊初覆敘垂跡傳法二	己初長行二	庚初述跡佛法弘	爾時，釋迦牟尼佛從初現蓮華臺藏世界，東方來入天王宮中，說《魔受化經》已，下生南閻浮提迦夷羅國，母名摩耶，父字白淨，吾名悉達，七歲出家，三十成道，號吾為釋迦牟尼佛，於寂滅道場，坐金剛華光王座，乃至摩酰首羅天王宮，其中次第十住處所說。 時佛觀諸大梵天王網羅幢，因為說無量世界猶如網孔，一一世界各各不同，別異無量，佛教門亦復如是。 吾今來此世界八千返，為此娑婆世界，坐金剛華光王座，乃至摩酰首羅天王宮，為是中一切大眾，略開心地法門竟。	
				庚二方明以戒攝生	復從天王宮，下至閻浮提菩提樹下，為此地上一切眾生，凡夫痴暗之人，說我本盧舍那佛心地中，初發心中常所誦一戒，光明金剛寶戒，是一切佛本源、一切菩薩本源、佛性種子。一切眾生皆有佛性，一切意識色心，是情是心，皆入佛性戒中。噯噯常有因故，噯噯常住法身。 如是十波羅提木叉出於世界，是法戒，是三世一切眾生頂戴奉持。 吾今當為此大眾，重說無盡藏戒品，是一切眾生戒，本源自性清淨。	
				庚初頌舍那始授	我今盧舍那，方坐蓮華臺，周匝千華上，復現千釋迦。 一華百億國，一國一釋迦，各坐菩提樹，一時成佛道。 如是千百億，盧舍那本身，千百億釋迦，各接微塵眾，俱來至我所，聽我誦佛戒，甘露門即開。	
			己次偈頌三	庚二頌釋迦轉授	是時千百億，還至本道場，各坐菩提樹，誦我本師戒。 十重四十八，戒如明日月，亦如瓔珞珠，微塵菩薩眾，由是成正覺。是盧舍那誦，我亦如是誦，汝新學菩薩，頂戴受持戒。受持是戒已，轉授諸眾生。	
				庚三勸信受奉持	諦聽我正誦，佛法中戒藏，波羅提木叉，大眾心諦信。 汝是當成佛，我是已成佛，常作如是信，戒品已具足。 一切有心者，皆應攝佛戒，眾生受佛戒，即入諸佛位。 位同大覺已，真是諸佛子，大眾皆恭敬，至心聽我誦。	
			戊二正明樹下勸發二	己初家敘三	庚初佛欲結戒	爾時，釋迦牟尼佛初坐菩提樹下，成無上正覺已，初結菩薩波羅提木叉。 孝順父母、師僧、三寶，孝順至道之法，孝名為戒，亦名制止。
					庚二放光表瑞	佛即口放無量光明。
					庚三大眾願聞	是時百萬億大眾、諸菩薩、十八梵天、六慾天子、十六大國王，合掌至心，聽佛誦一切諸佛大乘戒。
				己二釋迦自說三	庚初舉自誦勸人	佛告諸菩薩言：我今半月半月自誦諸佛法戒，汝等一切發心菩薩，乃至十發趣、十長養、十金剛、十地諸菩薩亦誦。
					庚二明放光因緣	是故戒光從口出，有緣非無因。 故光光非青黃赤白黑、非色非心、非有非無、非因果法，是諸佛之本源，行菩薩道之根本，是大眾諸佛子之根本。
					庚三勸大眾習學	是故大眾諸佛子，應受持、應讀誦、應善學。佛子諦聽！若受佛戒者，國王、王子、百官、宰相、比丘、比丘尼、十八梵天、六慾天子、庶民、黃門、淫男、淫女、奴婢、八部鬼神、金剛神、畜生，乃至變化人，但解法師語，盡受得戒，皆名第一清淨者。
丁次列重輕戒法二	戊初十重三		己初總標	佛告諸佛子言：有十重波羅提木叉，若受菩薩戒，不誦此戒者，非菩薩、非佛種子，我亦如是誦。一切菩薩已學、一切菩薩當學、一切菩薩今學。已略說菩薩波羅提木叉相貌，應當學，敬心奉持。		
			己二別解十	庚第一殺戒	佛言：若佛子！若自殺、教人殺、方便殺、讚歎殺、見作隨喜，乃至咒殺。殺因、殺緣、殺法、殺業。乃至一切有命者不得故殺。 是菩薩應起常住慈悲心、孝順心，方便救護一切眾生，而反自恣心快意殺生者，是菩薩波羅夷罪。	
				庚第二盜戒	若佛子！自盜、教人盜、方便盜、咒盜。盜因、盜緣、盜法、盜業。乃至鬼神有主、劫賊物，一切財物，一針一草，不得故盜。 而菩薩應生佛性孝順心、慈悲心，常助一切人生福生樂，而反更盜人財物者，是菩薩波羅夷罪。	

表 4: (1 表)【卷下】【卷四】

甲入文三 乙次正示法門二 丙次釋迦宣菩薩戒三	丁次列重輕戒法二	戊初十重三	己二別解十	庚第三淫戒 【卷四】	<p>若佛子！自淫，教人淫，乃至一切女人，不得故淫。 淫因、淫緣、淫法、淫業。 乃至畜生女，諸天鬼神女，及非道行淫。 而菩薩應生孝順心，救度一切眾生，淨法與人，而反更起一切人淫，不擇畜生，乃至母女姊妹六親行淫，無慈悲心者，是菩薩波羅夷罪。</p>
				庚第四妄語戒	<p>若佛子！自妄語，教人妄語，方便妄語。 妄語因、妄語緣、妄語法、妄語業。 乃至不見言見、見言不見，身心妄語。 而菩薩常生正語正見，亦生一切眾生正語正見，而反更起一切眾生邪語邪見邪業者，是菩薩波羅夷罪。</p>
				庚第五酤酒戒	<p>若佛子！自酤酒，教人酤酒。 酤酒因、酤酒緣、酤酒法、酤酒業。 一切酒不得酤，是酒起罪因緣。 而菩薩應生一切眾生明達之慧，而反更生一切眾生顛倒之心者，是菩薩波羅夷罪。</p>
				庚第六說四眾過戒	<p>若佛子！口自說出家在家菩薩、比丘比丘尼罪過，教人說罪過。 罪過因、罪過緣、罪過法、罪過業。 而菩薩聞外道惡人，及二乘惡人，說佛法中非法非律，常生慈心，教化是惡人輩，令生大乘善信，而菩薩反更自說佛法中罪過者，是菩薩波羅夷罪。</p>
				庚第七自贊毀他戒	<p>若佛子！自贊毀他，亦教人自贊毀他。 毀他因、毀他緣、毀他法、毀他業。 而菩薩應代一切眾生受加毀辱，惡事向自己，好事與他人。 若自揚己德，隱他人好事，令他人受毀者，是菩薩波羅夷罪。</p>
				庚第八慳惜加毀戒	<p>若佛子！自慳，教人慳。慳因、慳緣、慳法、慳業。 而菩薩見一切貧窮人來乞者，隨前人所須，一切給與。 而菩薩以噁心瞋心，乃至不施一錢一針一草，有求法者，不為說一句一偈一微塵許法，而反更罵辱者，是菩薩波羅夷罪。</p>
				庚第九瞋心不受悔戒	<p>若佛子！自瞋，教人瞋。瞋因、瞋緣、瞋法、瞋業。 而菩薩應生一切眾生善根無諍之事，常生慈悲心、孝順心。 而反更於一切眾生中，乃至於非眾生中，以惡口罵辱，加以手打及以刀杖，意猶不息，前人求悔，善言懺謝，猶瞋不解者，是菩薩波羅夷罪。</p>
				庚第十謗三寶戒	<p>若佛子！自謗三寶，教人謗三寶。 謗因、謗緣、謗法、謗業。 而菩薩見外道及以惡人，一言謗佛音聲，如三百矛刺心，況口自謗？ 不生信心孝順心，而反更助惡人邪見人謗者，是菩薩波羅夷罪。</p>
		己三總結	<p>善學諸仁者！是菩薩十波羅提木叉，應當學。 於中不應一一犯如微塵許，何況具足犯十戒？ 若有犯者，不得現身發菩提心，亦失國王位、轉輪王位，亦失比丘比丘尼位，亦失十發趣、十長養、十金剛、十地，佛性常住妙果，一切皆失。 墮三惡道中，二劫、三劫不聞父母三寶名字，以是不應一一犯。 汝等一切菩薩，今學、當學、已學，如是十戒應當學，敬心奉持，《八萬威儀品》當廣明。</p>		



表 5-1：(2 表)【卷下】【卷五】

甲入文三 乙次正示法門二 丙次釋迦宣菩薩戒三	丁次列重輕戒法二	戊二明四十八輕戒三【卷五】	己二別釋四十八	己初總標	佛告諸菩薩言： 已說十波羅提木叉竟，四十八輕今當說。
				庚第一不敬師友戒	若佛子！欲受國王位時、受轉輪王位時、百官受位時，應先受菩薩戒。 一切鬼神救護王身、百官之身，諸佛歡喜。 既得戒已，生孝順心、恭敬心，見上座、和尚、阿闍梨、大德、同學同見同行者，應起承迎禮拜問訊。 而菩薩反生憍心、慢心、痴心、瞋心，不起承迎禮拜，一一不如法供養，以自賣身國城男女七寶百物而供給之。 若不爾者，犯輕垢罪。
				庚第二飲酒戒	若佛子！故飲酒，而酒生過失無量。 若自身手過酒器與人飲酒者，五百世無手，何況自飲？亦不得教一切人飲及一切眾生飲酒，況自飲酒？ 一切酒不得飲。若故自飲、教人飲者，犯輕垢罪。
				庚第三食肉戒	若佛子！故食肉，一切眾生肉不得食。 夫食肉者，斷大慈悲佛性種子，一切眾生見而捨去，是故一切菩薩不得食一切眾生肉，食肉得無量罪。 若故食者，犯輕垢罪。
				庚第四食五辛戒	若佛子！不得食五辛：大蒜、茗蔥、慈蔥、蘭蔥、興渠。是五辛，一切食中不得食。 若故食者，犯輕垢罪。
				庚第五不教悔罪戒	若佛子！見一切眾生犯八戒、五戒、十戒毀禁，七逆、八難，一切犯戒罪，應教懺悔。 而菩薩不教懺悔，同住、同僧利養，而共布薩一眾說戒，而不舉其罪，不教悔過者，犯輕垢罪。
				庚第六不供給請法戒	若佛子！見大乘法師、大乘同學同見同行，來入僧坊舍宅城邑。若百里千里來者，即起迎來送去，禮拜供養。日日三時供養，日食三兩金，百味飲食、床座醫藥供事法師，一切所須，盡給與之。 常請法師三時說法，日日三時禮拜，不生瞋心、患惱之心，為法滅身，請法不懈。 若不爾者，犯輕垢罪。
				庚第七不往聽法戒	若佛子！一切處有講法毘尼經律，大宅舍中有講法處，是新學菩薩應持經律卷至法師所聽受諮問。 若山林樹下、僧地房中，一切說法處，悉至聽受。 若不至彼聽受諮問者，犯輕垢罪。
				庚第八心背大乘戒	若佛子！心背大乘常住經律，言非佛說，而受持二乘聲聞、外道惡見、一切禁戒邪見經律者，犯輕垢罪。
				庚第九不看病戒	若佛子！見一切疾病人，常應供養，如佛無異。 八福田中，看病福田是第一福田。 若父母師僧弟子病，諸根不具、百種病苦惱，皆供養令差。 而菩薩以瞋恨心不看，乃至僧坊、城邑、曠野、山林、道路中，見病不救濟者，犯輕垢罪。
				庚第十畜殺具戒	若佛子！不得畜一切刀杖弓箭矛斧鬥戰之具，及惡網羅罾殺生之器，一切不得畜。 而菩薩乃至殺父母尚不加報，況殺一切眾生？不得畜殺眾生具。 若故畜者，犯輕垢罪。 如是十戒，應當學，敬心奉持。 下《六度品》中廣明。

表 5-2：(2 表)【卷下】【卷五】

甲 入 文 三  乙 次 正 示 法 門 二  丙 次 釋 迦 宣 菩 薩 戒 三	丁 次 列 重 輕 戒 法 二	戊 二 明 四 十 八 輕 戒 三	己 二 別 釋 四 十 八	庚第十一國使戒	若佛子！不得為利養噁心故，通國使命。 軍陣合會，興師相伐，殺無量眾生。 而菩薩尚不得入軍中往來，況故作國賊？若故作者，犯輕垢罪。
				庚第十二販賣戒	若佛子！故販賣良人、奴婢、六畜，市易棺材板木盛死之具。尚不應自作，況教人作？ 若故自作、教人作者，犯輕垢罪。
				庚第十三謗毀戒	若佛子！以噁心故，無事謗他良人、善人、法師、師僧、國王、貴人，言犯七逆十重。於父母兄弟六親中，應生孝順心、慈悲心，而反更加於逆害，墮不如意處者，犯輕垢罪。
				庚第十四放火焚燒戒	若佛子！以噁心故，放大火燒山林曠野，四月乃至九月放火，若燒他人家屋宅、城邑、僧坊、田木，及鬼神官物。 一切有生物不得故燒。若故燒者，犯輕垢罪。
				庚第十五僻教戒	若佛子！自佛弟子及外道惡人、六親、一切善知識，應一一教受持大乘經律，應教解義理，使發菩提心。 十發趣心、十長養心、十金剛心，於三十心中，一一解其次第法用。 而菩薩以噁心瞋心，橫教二乘聲聞經律、外道邪見論等，犯輕垢罪。
				庚第十六為利倒說戒	若佛子！應好心先學大乘威儀經律，廣開解義味。 見後新學菩薩，有從百里千里來求大乘經律，應如法為說一切苦行，若燒身、燒臂、燒指。 若不燒身臂指供養諸佛，非出家菩薩。 乃至餓虎狼師子，一切餓鬼，悉應捨身肉手足而供養之，然後一一次第為說正法，使心開意解。 而菩薩為利養故，應答不答，倒說經律文字，無前無後，謗三寶說者，犯輕垢罪。
				庚第十七恃勢乞求戒	若佛子！自為飲食、錢財、利養、名譽故，親近國王、王子、大臣、百官，恃作形勢，乞索打拍牽挽，橫取錢物，一切求利，名為惡求。 多求、教他人求，都無慈心，無孝順心者，犯輕垢罪。
				庚第十八無解作師戒	若佛子！應學十二部經。 誦戒者，日日六時持菩薩戒，解其義理，佛性之性。 而菩薩不解一句一偈，及戒律因緣，詐言能解者，即為自欺誑，亦欺誑他人。 一一不解，一切法不知，而為他人作師授戒者，犯輕垢罪。
				庚第十九兩舌戒	若佛子！以噁心故，見持戒比丘手捉香爐，行菩薩行，而鬥違兩頭，謗欺賢人，無惡不造者，犯輕垢罪。
				庚第二十不行放救戒	若佛子！以慈心故，行放生業。一切男子是我父，一切女人是我母，我生生無不從之受生，故六道眾生皆是我父母，而殺而食者，即殺我父母，亦殺我故身。 一切地水是我先身，一切火風是我本體，故常行放生。生生受生，常住之法。 教人放生，若見世人殺畜生時，應方便救護，解其苦難，常教化講說菩薩戒，救度眾生。 若父母兄弟死亡之日，應請法師講菩薩戒經律，福資亡者，得見諸佛，生人天上。 若不爾者，犯輕垢罪。如是十戒，應當學，敬心奉持。如《滅罪品》中廣明一一戒相。

表 6-1：(2 表)【卷下】【卷六】

甲入文三 乙次正示法門二 丙次釋迦宣菩薩戒三	丁次列重輕戒法二 戊二明四十八輕戒三 己二別釋四十八	庚第二十一 瞋打報讎戒 【卷六】	若佛子！不得以瞋報瞋、以打報打。若殺父母兄弟六親，不得加報。若國主為他人殺者，亦不得加報。殺生報生，不順孝道。尚不畜奴婢打拍罵辱，日日起三業，口罪無量，況故作七逆之罪？而出家菩薩無慈心報讎，乃至六親中故報者，犯輕垢罪。
		庚第二十二 憍慢不請法戒	若佛子！初始出家，未有所解，而自恃聰明有智，或恃高貴、年宿，或恃大姓高門、大解、大福、大富饒財七寶，以此憍慢，而不諮受先學法師經律。 其法師者，或小姓、年少、卑門、貧窮、下賤、諸根不具，而實有德，一切經律盡解。 而新學菩薩，不得觀法師種姓，而不來諮受法師第一義諦者，犯輕垢罪。
		庚第二十三 憍慢僻說戒	若佛子！佛滅度後，欲以好心受菩薩戒時，於佛菩薩形像前自誓受戒，當以七日佛前懺悔，得見好相便得戒。 若不得好相，應二七、三七，乃至一年，要得好相。 得好相已，便得佛菩薩形像前受戒。 若不得好相，雖佛像前受戒，不名得戒。 若先受菩薩戒法師前受戒時，不須要見好相。何以故？ 是法師師師相授，故不須好相。 是以法師前受戒時即得戒，以生至重心故便得戒。 若千里內無能授戒師，得佛菩薩形像前自誓受戒，而要見好相。 若法師自倚解經律，大乘學戒，與國王、太子、百官以為善友，而新學菩薩來問若經義律義，輕心、噁心、慢心，不一一好答問者，犯輕垢罪。
		庚第二十四 不習學佛戒	若佛子！有佛經律大乘法，正見、正性、正法身，而不能勤學修習，而舍七寶，反學邪見二乘、外道、俗典，阿毘曇、雜論、一切書記，是斷佛性，障道因緣，非行菩薩道者。若故作者，犯輕垢罪。
		庚第二十五 不善知眾戒	若佛子！佛滅度後，為說法主、為行法主、為僧坊主、教化主、坐禪主、行來主，應生慈心，善和鬥諍，善守三寶物，莫無度用如自己有。 而反亂眾鬥諍，恣心用三寶物者，犯輕垢罪。
		庚第二十六 獨受利養戒	若佛子！先在僧坊中住，後見客菩薩比丘來入僧坊、舍宅、城邑、若國王宅舍中，乃至夏坐安居處，及大會中，先住僧應迎來送去，飲食供養，房舍、臥具、繩床木床，事事給與。 若無物，應賣自身及男女身，割自身肉賣，供給所須，悉以與之。 若有檀越來請眾僧，客僧有利養分，僧坊主應次第差客僧受請。 而先住僧獨受請，而不差客僧者，僧坊主得無量罪，畜生無異，非沙門、非釋種姓，犯輕垢罪。
		庚第二十七 受別請戒	若佛子！一切不得受別請利養入己。 而此利養屬十方僧，而別受請，即是取十方僧物入己，及八福田中諸佛、聖人、一一師、僧、父、母、病人物，自己用故，犯輕垢罪。
		庚第二十八 別請僧戒	若佛子！有出家菩薩、在家菩薩，及一切檀越請僧福田求願之時，應入僧坊問知事人：今欲請僧求願。 知事報言：次第請者，即得十方賢聖僧。 而世人別請五百羅漢菩薩僧，不如僧次一凡夫僧。 若別請僧者是外道法，七佛無別請法，不順孝道。 若故別請僧者，犯輕垢罪。
		庚第二十九 邪命戒	若佛子！以噁心故，為利養，販賣男女色，自手作食、自磨自舂，佔相男女、解夢吉凶、是男是女，咒術，工巧，調鷹方法，和合百種毒藥、千種毒藥、蛇毒、生金銀毒、蠱毒，都無慈愍心、無孝順心。 若故作者，犯輕垢罪。
		庚第三十 經理白衣戒	若佛子！以噁心故，自身謗三寶，詐現親附，口便說空、行在有中。經理白衣，為白衣通致男女交會淫色，作諸縛著。 於六齋日、年三長齋月，作殺生、劫盜、破齋犯戒者，犯輕垢罪。 如是十戒，應當學，敬心奉持。《制戒品》中廣明。

表 6-2：(2 表)【卷下】【卷六】

甲入文三 乙次正示法門二 丙次釋迦宣菩薩戒三	丁次列重輕戒法二 戊二明四十八輕戒三 己二別釋四十八	庚第三十一不行救贖戒	<p>佛言：佛子！佛滅度後，於惡世中，若見外道、一切惡人、劫賊，賣佛菩薩、父母形像，及賣經律、販賣比丘比丘尼，亦賣發菩提心菩薩道人，或為官使、與一切人作奴婢者。</p> <p>而菩薩見是事已，應生慈悲心，方便救護，處處教化，取物贖佛菩薩形像，及比丘比丘尼、發心菩薩、一切經律。若不贖者，犯輕垢罪。</p>
		庚第三十二損害眾生戒	<p>若佛子！不得販賣刀杖弓箭、畜輕秤小鬥、因官形勢取人財物、害心繫縛、破壞成功、長養貓狸豬狗。若故養者，犯輕垢罪。</p>
		庚第三十三邪業覺觀戒	<p>若佛子！以噁心故，觀一切男女等鬥、軍陣兵將劫賊等鬥，亦不得聽吹貝、鼓、角、琴、瑟、箏、笛、箜篌、歌叫妓樂之聲，不得樗蒲、圍碁、波羅塞戲、彈碁、六博、拍毬、擲石投壺、牽道八道行城，爪鏡、蓍草、楊枝、鉢盂、髑髏而作卜筮，不得作盜賊使命，一一不得作。</p> <p>若故作者，犯輕垢罪。</p>
		庚第三十四暫離菩提心戒	<p>若佛子！護持禁戒，行住坐臥，日夜六時讀誦是戒，猶如金剛，如帶持浮囊欲度大海，如草系比丘。</p> <p>常生大乘善信，自知我是未成之佛，諸佛是已成之佛，發菩提心，念念不去心。若起一念二乘外道心者，犯輕垢罪。</p>
		庚第三十五不發願戒	<p>若佛子！常應發一切願：孝順父母師僧，願得好師、同學、善知識，常教我大乘經律，十發趣、十長養、十金剛、十地，使我開解，如法修行，堅持佛戒，寧捨身命，念念不去心。若一切菩薩不發是願者，犯輕垢罪。</p>
		庚第三十六發誓戒	<p>若佛子！發是十大願已，持佛禁戒，作是誓言：寧以此身投熾然猛火、大坑、刀山，終不毀犯三世諸佛經律，與一切女人作不淨行。</p> <p>復作是願：寧以熱鐵羅網千重周匝纏身，終不以此破戒之身受於信心檀越一切衣服。</p> <p>復作是願：寧以此口吞熱鐵丸，及大流猛火，經百千劫，終不以此破戒之口食於信心檀越百味飲食。</p> <p>復作是願：寧以此身臥大流猛火羅網熱鐵地上，終不以此破戒之身受於信心檀越百種床座。</p> <p>復作是願：寧以此身受三百矛刺身，經一劫二劫，終不以此破戒之身受於信心檀越百味醫藥。</p> <p>復作是願：寧以此身投熱鐵鑊，經百千劫，終不以此破戒之身受於信心檀越千種房舍屋宅、園林田地。</p> <p>復作是願：寧以鐵錘打碎此身，從頭至足，令如微塵，終不以此破戒之身受於信心檀越恭敬禮拜。</p> <p>復作是願：寧以百千熱鐵刀矛挑其兩目，終不以此破戒之心視他好色。</p> <p>復作是願：寧以百千鐵錐劓刺耳根，經一劫二劫，終不以此破戒之心聽好音聲。</p> <p>復作是願：寧以百千刃刀割去其鼻，終不以此破戒之心貪嗅諸香。</p> <p>復作是願：寧以百千刃刀割斷其舌，終不以此破戒之心食人百味淨食。</p> <p>復作是願：寧以利斧斬破其身，終不以此破戒之心貪著好觸。</p> <p>復作是願：願一切眾生悉得成佛。而菩薩若不發是願者，犯輕垢罪。</p>
		庚第三十七冒難遊行戒	<p>若佛子！常應二時頭陀、冬夏坐禪、結夏安居。</p> <p>常用楊枝、澡豆、三衣、餅、鉢、坐具、錫杖、香爐奩、澆水囊、手巾、刀子、火燧、鑷子、繩床、經、律、佛像、菩薩形像。</p> <p>而菩薩行頭陀時及遊行時，行來百里千里，此十八種物常隨其身。</p> <p>頭陀者，從正月十五日至三月十五日，八月十五日至十月十五日，是二時中，此十八種物常隨其身，如鳥二翼。</p> <p>若布薩日，新學菩薩半月半月常布薩，誦十重四十八輕戒。</p> <p>若誦戒時，當於諸佛菩薩形像前誦，一人布薩即一人誦，若二人、三人至百千人，亦一人誦。誦者高座，聽者下座，各各披九條、七條、五條袈裟。</p> <p>若結夏安居時，亦應一如法。</p> <p>若行頭陀時，莫入難處，若惡國界、若惡國王、土地高下、草木深邃、師子虎狼、水火風難，及以劫賊、道路毒蛇，一切難處悉不得入。</p> <p>頭陀行道乃至夏坐安居，是諸難處皆不得入。若故入者，犯輕垢罪。</p>

表 7-1：(3 表)【卷下】【卷七】

<p>甲入文三 乙次正示法門二 丙次釋迦宣菩薩戒三</p>	<p>丁次列重輕戒法二 戊二明四十八輕戒三 己二別釋四十八</p>	<p>庚第三十八乖尊卑次第戒【卷七】</p>	<p>若佛子！應如法次第坐，先受戒者在前坐，後受戒者在後坐，不問老少、比丘、比丘尼、貴人國王、王子，乃至黃門、奴婢，皆應先受戒者在前坐，後受戒者次第而坐。</p> <p>莫如外道痴人，若老若少，無前無後，坐無次第，如兵奴之法。</p> <p>我佛法中，先者先坐，後者後坐。</p> <p>而菩薩一一不如法次第坐者，犯輕垢罪。</p>
		<p>庚第三十九不修福慧戒</p>	<p>若佛子！常應教化一切眾生，建立僧坊、山林、園田，立作佛塔，冬夏安居坐禪處所，一切行道處，皆應立之。</p> <p>而菩薩應為一切眾生講說大乘經律，若疾病、國難、賊難，父母、兄弟、和尚、阿闍梨亡滅之日，及三七日、四五七日，乃至七七日，亦應講說大乘經律。</p> <p>一切齋會求願、行來治生、大火所燒、大水所漂、黑風所吹船舫、江湖大海羅刹之難，亦讀誦講說此經律。</p> <p>乃至一切罪報，三惡、八難、七逆，桎械枷鎖繫縛其身，多淫、多瞋、多愚痴、多疾病，皆應講此經律。</p> <p>而新學菩薩若不爾者，犯輕垢罪。</p> <p>如是九戒，應當學，敬心奉持，《梵壇品》當廣明。</p>
		<p>庚第四十揀擇受戒戒</p>	<p>若佛子！與人受戒時，不得揀擇。</p> <p>一切國王、王子、大臣、百官、比丘、比丘尼、信男、信女、淫男、淫女、十八梵天、六慾天子、無根、二根、黃門、奴婢、一切鬼神，盡得受戒。</p> <p>應教身所著袈裟皆使壞色，與道相應，皆染使青黃赤黑紫色。</p> <p>一切染衣乃至臥具，盡以壞色。</p> <p>身所著衣，一切染色。</p> <p>若一切國土中國人所著衣服，比丘皆應與其俗服有異。</p> <p>若欲受戒時，師應問言：</p> <p>汝現身不作七逆罪不？</p> <p>菩薩法師不得與七逆人現身受戒。</p> <p>七逆者，出佛身血、殺父、殺母、殺和尚、殺阿闍梨、破羯磨轉法輪僧、殺聖人。</p> <p>若具七逆，即現身不得戒，餘一切人盡得受戒。</p> <p>出家人法，不向國王禮拜，不向父母禮拜，六親不敬，鬼神不禮，但解法師語。</p> <p>有百里千里來求法者，而菩薩法師以噁心、瞋心，而不即與授一切眾生戒者，犯輕垢罪。</p>
		<p>庚第四十一為利作師戒</p>	<p>若佛子！教化人起信心時，菩薩與他人作教誡法師者，見欲受戒人，應教請二師，和尚、阿闍梨二師。</p> <p>應問言：汝有七遮罪不？</p> <p>若現身有七遮罪者，師不應與受戒。</p> <p>若無七遮者，得與受戒。若有犯十戒者，應教懺悔。</p> <p>在佛菩薩形像前，日夜六時誦十重四十八輕戒，苦到禮三世千佛，得見好相。</p> <p>若一七日、二三七日，乃至一年，要見好相。</p> <p>好相者，佛來摩頂，見光見華，種種異相，便得滅罪。</p> <p>若無好相，雖懺無益，是人現身亦不得戒，而得增益受戒。</p> <p>若犯四十八輕戒者，對首懺悔，罪便得滅，不同七遮。</p> <p>而教誡師於是法中，一一好解。</p> <p>若不解大乘經律若輕若重是非之相，不解第一義諦，習種性、長養性、性種性、不可壞性、道種性、正法性，其中多少觀行出入，十禪支一切行法，一一不得此法中意。</p> <p>而菩薩為利養故、為名聞故，惡求多求，貪利弟子，而詐現解一切經律，為供養故，是自欺詐，亦欺詐他人，故與人授戒者，犯輕垢罪。</p>

表 7-2：(3 表)【卷下】【卷七】

甲 入 文 三  乙 次 正 示 法 門 二  丙 次 釋 迦 宣 菩 薩 戒 三	丁 次 列 重 輕 戒 法 二  戊 二 明 四 十 八 輕 戒 三  己 二 別 釋 四 十 八	庚第四十二為惡人說戒戒	若佛子！不得為利養故，於未受菩薩戒者前，若外道惡人前，說此千佛大戒。 邪見人前亦不得說，除國王，餘一切不得說。 是惡人輩不受佛戒，名為畜生，生生之處不見三寶，如木石無心，名為外道邪見人輩，木頭無異。 而菩薩於是惡人前說七佛教戒者，犯輕垢罪。
		庚第四十三故起犯戒心戒	若佛子！信心出家，受佛正戒，故起心毀犯聖戒者，不得受一切檀越供養，亦不得國王地上行，不得飲國王水。 五千大鬼常遮其前，鬼言大賊。 若入房舍城邑宅中，鬼復常掃其腳跡。 一切世人皆罵言： 佛法中賊，一切眾生眼不欲見。 犯戒之人，畜生無異，木頭無異。 若故毀正戒者，犯輕垢罪。
		庚第四十四不供養經典戒	若佛子！常應一心受持讀誦大乘經律。 剝皮為紙、刺血為墨、以髓為水、析骨為筆，書寫佛戒。 木皮谷紙、絹素竹帛，亦悉書持。 常以七寶無價香華，一切雜寶為箱囊，盛經律卷。 若不如法供養者，犯輕垢罪。
		庚第四十五不化眾生戒	若佛子！常起大悲心。 若入一切城邑舍宅，見一切眾生，應當唱言： 汝等眾生盡應受三歸十戒。 若見牛馬豬羊一切畜生，應心念口言： 汝是畜生，發菩提心。 而菩薩入一切處，山林川野，皆使一切眾生髮菩提心。 是菩薩若不發教化眾生心者，犯輕垢罪。
		庚第四十六說法不如法戒	若佛子！常應教化起大悲心。 若入檀越貴人家一切眾中，不得立為白衣說法，應在白衣眾前高座上坐，法師比丘不得地立為四眾說法。 若說法時，法師高座，香華供養，四眾聽者下坐，如孝順父母，敬順師教，如事火婆羅門。 其說法者若不如法說，犯輕垢罪。
		庚第四十七非法制限戒	若佛子！皆已信心受佛戒者，若國王、太子、百官、四部弟子，自恃高貴，破滅佛法戒律，明作製法，制我四部弟子不聽出家行道，亦復不聽造立形像佛塔經律，立統官制眾，使安籍記僧，菩薩比丘地立，白衣高座，廣行非法，如兵奴事主。 而菩薩正應受一切人供養，而反為官走使，非法非律。 若國王百官好心受佛戒者，莫作是破三寶之罪。 若故作破法者，犯輕垢罪。
		庚第四十八破法戒	若佛子！以好心出家，而為名聞利養，於國王百官前說佛戒者，橫與比丘、比丘尼、菩薩戒弟子作繫縛事，如獄囚法、如兵奴之法，如師子身中蟲自食師子肉，非餘外蟲，如是佛子自破佛法，非外道天魔能破。 若受佛戒者，應護佛戒，如念一子，如事父母，不可毀破。 而菩薩聞外道惡人以惡言謗破佛戒之聲，如三百矛刺心，千刀萬杖打拍其身，等無有異。 寧自入地獄經於百劫，而不一聞惡人以惡言謗破佛戒之聲，而況自破佛戒，教人破法因緣，亦無孝順之心。 若故作者，犯輕垢罪。 如是九戒，應當學，敬心奉持。
		己三總結	諸佛子！是四十八輕戒，汝等受持。 過去諸菩薩已誦，未來諸菩薩當誦，現在諸菩薩今誦。

表 7-3: (3 表)【卷下】【卷七】

甲入文三	乙次正示法門二	丙次釋迦宣菩薩戒三	丁三勸大眾奉行五	戊初舉所誦法	諸佛子聽！十重四十八輕戒，三世諸佛已誦當誦今誦，我今亦如是誦。
				戊二囑流通人	汝等一切大眾，若國王、王子、百官、比丘、比丘尼、信男、信女，受持菩薩戒者，應受持、讀誦、解說、書寫佛性常住戒卷，流通三世，一切眾生，化化不絕。
				戊三明流通益	得見千佛，為千佛授手，世世不墮惡道八難，常生人道天中。
				戊四重勸奉行	我今在此樹下，略開七佛法戒。 汝等大眾，當一心學波羅提木叉，歡喜奉行。 如《無相天王品》勸學中一一廣明。
				戊五時眾歡喜	三千學士，時坐聽者，聞佛自誦，心心頂戴，歡喜受持。
	乙三流通益世分二	丙初結示四		丁初徧結說心地品	爾時釋迦牟尼佛，說上蓮華臺藏世界，盧舍那佛所說心地法門品中十無盡戒法品竟。 千百億釋迦亦如是說。
				丁二略舉總十處說	從摩酰首羅天王宮至此道樹下，十住處說法品，為一切菩薩、不可說大眾，受持讀誦解說其義亦如是。 千百億世界、蓮華藏世界、微塵世界。
				丁三明所說之法	一切佛心藏、地藏、戒藏、無量行願藏、因果佛性常住藏。如是一切佛，說無量一切法藏竟。
				丁四明大眾奉行	千百億世界中，一切眾生受持，歡喜奉行。 若廣開心地相相，如《佛華光王七行品》中說。
		丙二偈贊三	丁二序學法事二	丁初贊持法益	明人忍慧強，能持如是法，未成佛道間，安獲五種利： 一者十方佛，憫念常守護； 二者命終時，正見心歡喜； 三者生生處，為諸菩薩友； 四者功德聚，戒度悉成就； 五者今後世，性戒福慧滿。 此是諸佛子。
				戊初觀察法體	智者善思量，計我著相者，不能生是法。 滅壽取證者，亦非下種處。 欲長菩提苗，光明照世間，應當靜觀察，諸法真實相。 不生亦不滅，不常復不斷，不一亦不異，不來亦不去，如是一心中，方便勤莊嚴。 菩薩所應作，應當次第學，於學於無學，勿生分別想，是名第一道，亦名摩訶衍。 一切戲論惡，悉從是處滅，諸佛薩婆若，悉由是處出。
				戊二護持戒相	是故諸佛子，宜發大勇猛，於諸佛淨戒，護持如明珠。過去諸菩薩，已於是中學，未來者當學，現在者今學。此是佛行處，聖主所稱歎。
				戊三發度生願	我已隨順說，福德無量聚，回以施眾生，共向一切智。願聞是法者，悉得成佛道。